



Broj: 01/21-02-1010/23
Datum: 14.3.2023. godine

Primijeno: 14-03-2023			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BiH**

Odbor za boračka i invalidska pitanja Predstavničkog doma Parlamenta Federacije BiH (u daljem tekstu: Odbor), na 2. sjednici, održanoj 14.3.2023 godine, razmatrao je sljedeći:

DNEVNI RED

1. Usvajanje Zapisnika sa 1.sjednice Odbora;
2. Očitovanje Odbora na Autentično tumačenje člana 28. Zakona o pravima branilaca i članova njihovih porodica;
3. Očitovanje Odbora na Inicijativu za donošenje izmjena i dopuna Zakona o posebnim pravima dobitnika ratnih priznanja odlikovanja i članova njihovih porodica koju je pokrenuo Senad Mašetić;
4. Očitovanje Odbora na Inicijativu Udruženja „RUKA PODRŠKE „ – neprofitne, nevratine organizacije;
5. Tekuća pitanja.

Na osnovu člana 44. st. 1. i 2., a u vezi člana 76. Poslovnika Predstavničkog doma Parlamenta Federacije BiH, Odbor za boračka i invalidska pitanja Domu podnosi sljedeći:

IZVJEŠTAJ

1. Usvajanje Zapisnika sa 1.sjednice Odbora;

Zapisnik sa prve sjednice Odbora je jednoglasno usvojen.

2. Očitovanje Odbora na Autentično tumačenje člana 28. Zakona o pravima branilaca i članova njihovih porodica;

Predsjednik Odbora je dao riječ predstavnicima resornog Ministarstva koji su obrazložili svoj stav po pitanju autentičnog tumačenja člana 28. Zakona o pravima branilaca i članova njihovih porodica. Nakon diskusije članova Odbora i predstavnicima Federalnog ministarstva za pitanje boraca i invalida odbrambeno-oslobodilačkog rata, Odbor je jednoglasno donio sljedeći:

ZAKLJUČAK

Odbor je mišljenja da su zakonske odredbe jasno definisane te nije potrebno autentično tumačenje istih.

3. Očitovanje Odbora na Inicijativu za donošenje izmjena i dopuna Zakona o posebnim pravima dobitnika ratnih priznanja odlikovanja i članova njihovih porodica koju je pokrenuo Senad Mašetić;

Nakon diskusije u kojoj su učestvovali članovi Odbora, predstavnici resornog Ministarstva i udruženja, Odbor je jednoglasno donio sljedeći:

ZAKLJUČAK

Na osnovu člana 51. Poslovnika Predstavničkog doma Parlamenta Federacije Bosne i Hercegovine, kojim je propisano da ako predlagač ne uputi svog predstavnika na sjednicu radnog tijela, a radno tijelo ocijeni da je prisustvo predlagača prijeko potrebna, može odložiti razmatranje tog pitanja i o tome izvijestiti predlagača, Odbor nije razmatrao ovu Inicijativu. Odbor će na sljedećoj sjednici uputiti poziv predlagaču za prisustvo istoj.

4. Očitovanje Odbora na Inicijativu Udruge „RUKA PODRŠKE „ – neprofitne, nevratine organizacije;

Nakon diskusije o Inicijativi Udruženja „RUKA PODRŠKE „ – neprofitne, nevratine organizacije, Odbor je donio sljedeći:

ZAKLJUČAK

Odbor za boračka i invalidska pitanja je stava da nije nadležan za odlučivanje o izjednačavanju prava neratnih osoba sa invaliditetom, civilnih žrtava rata i RVI-a u FBiH, te upućuje Udruženje da mišljenje potraži od Federalnog ministarstva rada i socijalne politike i Odbora za rad i socijalnu zaštitu Predstavničkog doma Parlamenta Federacije BiH.

5. Tekuća pitanja

Za riječ se javio Almedin Aliefendić te istakao da postojeći Zakon o pravima branilaca i članova njihovih porodica ne definiše prioritete zapošljavanja pripadnika boračke populacije, te je Odbor jednoglasno donio sljedeći:

ZAKLJUČAK

Zadužuje se resorno Ministarstvo da pripremi izmjene Zakona o pravima branilaca i članova njihovih porodica u smislu preciznijeg definisanja člana 28. koja se tiče zapošljavanja boračke populacije po prioritetima pripadnika boračke populacije sa naglaskom na kaznene odredbe.

Za riječ pod tačkom tekuća pitanja javio se Mario Karamatić te predložio organizovanje Tematske sjednice Odbora sa predstavnicima boračkih udruženja. Odbor je saglasan da se organizuje Tematska sjednica, a o organizaciji iste će Odbor raspravljati na narednoj sjednici Odbora.

U skladu sa članom 53. Poslovnika Predstavničkog doma Parlamenta Federacije BiH za izvjestioca je određen Bajramović Halil. Predsjednik Odbora.

PREDSJEDNIK ODBORA

Bajramović Halil s.r.